

Prvi zamjenik visokog predstavnika Moore sastao se sa delegacijom Srednjobosanskog kantona

Put naprijed za Srednjobosanski kanton (SBK), te za Bosnu i Hercegovinu u cjelosti, je puno poštivanje vladavine zakona i političkog dijaloga, izjavio je prvi zamjenik visokog predstavnika Roderick Moore na sastanku sa delegacijom SBK-a koja je danas posjetila OHR u Sarajevu.

Što se tiče konkretnih pitanja vezano za formiranje vlade SBK-a, prvi zamjenik visokog predstavnika Moore je izjavio da "je visoki predstavnik opredijeljen da osigura poštivanje ustavnog prava konstitutivnih naroda da pokrenu pitanje zaštite vitalnog nacionalnog interesa. Ustavni sud Federacije sada mora odlučiti o zahtjevu kojim se osporava odluka o imenovanju nove kantonalne vlade donesena 10. maja."

"Sve dok sud ne donese odluku, političke stranke u kantonu moraju zajednički i konstruktivno djelovati kako bi se osiguralo puno poštivanje zakonskih procesa, te da kantonalne vlasti budu u stanju izvršavati svoje hitne obaveze prema građanima SBK-a."

On je izjavio da će se zakonskim procesom u propisanom roku utvrditi zakonitost odluke koju je Skupština SBK-a donijela 10. maja, ali je dodao slijedeće: "Kao i u ostatku Bosne i Hercegovine, ključ je pokrenuti dijalog kako bi se pronašlo političko rješenje koje ispunjava interese svih građana."

Između ostalog, on je pozvao relevantne predstavnike da osiguraju da kandidat za Hrvatskog člana predsjedništva kantonalne skupštine bude odmah predložen i imenovan bez

daljih odgađanja, obzirom da bi se na taj način eliminisala prepreka za formiranje nove vlade SBK-a koja će imati široku podršku političkih stranaka.

Ambasador Moore je izjavio da je OHR svim stranama obrazložio ustavnu situaciju, te da se nada da će stranke postići politički dogovor.